



## Universitätsbibliothek Paderborn

**R.P. Fvlvii Androtii, Societatis Iesv, Piæ meditationes de  
Passione & Morte D. N. Iesv Christi**

**Androzzi, Fulvio**

**Coloniæ Agrippinæ, Anno MDCIII**

Pvncta Qvaedam Praecipuè de passione Christi perpendenda.

[urn:nbn:de:hbz:466:1-48634](#)

PVNCTA QVAEDAM PRAE-  
cipue de passione Christi per-  
pendenda..

**P**Rimum considerandi sunt acerbissimi dolores, ut condoleamus ei ex corde.

2. Grauitas nostrorum peccatorum, ut ea magno odio prosequamur.
3. Magnitudo beneficij, ut magnam inferamus gratiam.
4. Excellentia diuinę bonitatis, ut eam amemus ex corde.
5. Multitudo virtutum Christi, ut eas imitemur.
6. Conuenientia huius mysterij ad admirandam diuinam sapientiam, & ad confirmandos nos in fide.

*De magnitudine dolorum.*

**S**Ciendum est, ut habet S. Thomas, exceptis cruciatibus Purgatoriij & inferni, dolores Christi fuisse omnium, qui in hoc mundo aut tolerati sunt, aut vñquam tolerabuntur, maximos.

1. Ob magnitudinem Charitatis; quoniam erat ardenter, hoc maiorem in patiendo creabat dolorem.

Quia

2. Quia fuerunt puri dolores, omnis consolationis expertes.
3. Ob teneritudinem corporis miraculosè compacti, quod multo perfectius, delicatius, & sensibilius erat omnibus hominum corporibus.
4. Ex præsentia & compassione matris, quæ augebat dolorem.
5. Ob genus mortis acerbissimæ, & ob circumstantias eiusdem; de quibus infra.
6. Quia passus est in corpore, fama, honore, facultatibus (vt cum staret nudus), & amicis, qui eum reliquerunt & negabantur.

*Passus est Christus in omnibus  
membris..*

**N**am caput fuit coronatum spinis.  
Oculi cōperti lachrymis & sanguine.  
Facies plena sputis.  
Aures obrutæ iniurijs.  
Lingua potata felle & aceto.  
Esacra barba euulsi pili.  
Manus transfixæ clavis.  
Latus apertum lancea.  
Humeri lacerati flagellis.  
Pedes transfoſſi duris clavis.

B 7 To.

Totum corpus vulneratum, distractum,  
dilaniatum.

2. Propter multitudinem calamitatium, quæ in ipsam passionem incurserunt. Fuit enim captus, ligatus, accusatus, illusus, consputus, colaphizatus; flagellatus, spinis coronatus, percussus a runcine, facie velatus, nudatus vestibus, maledictis impetratus, cruce oneratus, ductus & reductus ab uno tribunal ad aliud, instar publici latronis. Tandem affixus cruci mortuus est.

• *Quid ex his doloribus discere  
debeamus.*

1. Quàm turpè & sceleratum sit peccatum, quandoquidem tanta ad illud expiandum passus est Christus. Quomodo autem poterat Deus maius signum odij sui in peccatum ostenderet, quàm quod occidit proprium filium, vt occidat peccatum?

2. Quàm graues sint pœnæ inferni: quandoquidem, vt liberaremur ab illis, Christus voluit subire infernum quemdam dolorum & pœnarum.

3. Quantum sit beneficium gratiæ & gloriæ, cùm tantum meritum necessarium fuerit ad eam obtinendam,

Di.

4. Dignitatem hominis, & animæ va-  
lorem, cùm Deus tantum pretium exol-  
uerit pro illa.

5. Quàm bonus, pius & suavis sit  
Deus.

IN PASSIONE CHRISTI  
maximè elucere Dei charitatem, bo-  
nitatem, misericordiam &  
iustitiam.

**A**d bonitatem amicitiae pertinet,  
communicare & dare scipsum a-  
mico. Sed quæ maior bonitas re-  
peritur, quàm Dei, qui factus est vnum,  
idemq; cum homine, & tanta passus est  
pro homine?

Ad amorem pertinet, benefacere ama-  
to: Sed quis amor maior esse potest, quā  
Dei, qui vt hominem faceret omnium  
bonorum suorum participem mortuus  
est pro homine?

Ad misericordiam pertinet in se recipere  
re aliorum miseras. Sed quàm maiorem  
misericordiam potuit suscipere Christus, quā  
moriendo cum tanto dolore & confusio-  
ne pro nostris peccatis?

Ad iustitiam spectat punire peccatas:

as: